

緣起經一卷

三藏法師玄奘奉詔譯

若

如是我聞一時薄伽梵在室羅筏住
憍多林給孤獨園與無量無數聲聞
菩薩天人等俱尔時世尊告苾芻眾
吾當為汝宣說緣起初老別義汝應
諦聽極善思惟吾今為汝分別解說
苾芻眾言唯然願說我等樂聞

佛言云何名緣起初謂依此有故彼
有此生故彼生所謂無明緣行行緣
識識緣名色名色緣六處六處緣觸
觸緣受受緣愛愛緣取取緣有有緣
生生緣老死起愁歎苦憂惱是名為
純大苦蘊集如是名為緣起初義
云何名為緣起老別謂無明緣行者
云何無明謂於前際無知於後際無
知於前後際無知於內無知於外無
知於內外無知於業無知於異熟無
知於業異熟無知於佛無知於法無
知於僧無知於苦無知於集元知於
滅無知於道無知於因無知於果無
知於因已生諸法無知於善無知於

不善無知於有罪無知於無罪無知
於應修習无知於不應修習無知於
下劣無知於上妙無知於黑無知於
白無知於有異分無知於緣已生或
六觸處如實通達無知如是於彼彼
處如實無知無見無現觀愚癡無明
黑闇是謂無明云何為行行有三種
謂身行語行意行是名為行行緣識
者云何為識謂六識身一者眼識二
者耳識三者鼻識四者舌識五者身
識六者意識是名為識識緣名色者
云何為名謂四無色蘊一者受蘊二
者想蘊三者行蘊四者識蘊云何為
色謂諸所有色一切四大種及四大
種所造此色前名捺略為一合名名
色是謂名色名色緣六處者云何六
處謂六內處一眼內處二耳內處三
鼻內處四舌內處五身內處六意內
處是謂六處六處緣觸者云何為觸
謂六觸身一者眼觸二者耳觸三者
鼻觸四者舌觸五者身觸六者意觸
是名為觸觸緣受者云何為受受有
三種謂樂受苦受不苦不樂受是

緣起經 第三張 若

名為受

受緣愛者云何為愛愛有三種謂欲
愛色愛無色愛是名為愛愛緣取者
云何為取謂四取一者欲取二者見
取三者戒禁取四者我語取是名為
取取緣有者云何為有有有三種謂
欲有色有無色有是名為有有緣生
者云何為生謂彼彼有情於彼彼有
情類諸生等生趣起出現蓋得界得
處得諸蘊生起命根出現是名為生
生緣老死者云何為老謂髮衰瘰癧
膚緩皺衰熟損壞身脊偻曲黑黯間
身喘息奔急形貌儂前須據策杖惜
味羸劣損減衰退諸根耄熟功用破
壞諸行朽故其形腐敗是名為老云
何為死謂彼彼有情從彼彼有情類
終盡壞沒捨壽捨煖命根謝滅棄捨
諸蘊死時運盡是名為死此死前老
捺略為一合名老死如是名為緣起
老別義

苾芻我已為汝等說所標緣起初老
別義時薄伽梵說是經已聲聞菩薩
天人等眾聞佛所說皆大歡喜得未

緣起經 第三張 若

曾有信受奉行

緣起經一卷

癸卯歲高麗國大藏都監奉
勅雕造

緣起經

第四張

若

緣起經一卷

校勘記

- 一 底本，麗藏本。
- 一 二七七頁上一行「緣起經一卷」，
南、徑、清作「緣起經」。卷末經名
同。
- 一 二七七頁上二行「三藏法師」，實、
碩、晉、南作「唐沙門」；徑、清作
「唐三藏法師」。
- 一 二七七頁中五行末字至次行首字
「彼處」，實作「處彼」。
- 一 二七七頁中一五行「合名」，實作
「合色」。
- 一 二七七頁下一行首字「名」，實無。
- 一 二七七頁下一二行「緩皺」，實作
「緩皺」。
- 一 二七七頁下一三行「策杖」，諸本
(不含石)作「杖策」。